

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po zahtjevu privrednog subjekta «Amko komerc» d.o.o. Sarajevo, u vezi obaveze prijave namjere koncentracije

Sarajevo, septembar, 2011. godine



Broj: 01-26-7-14-1-I/11
Sarajevo, 29.09.2011. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na zahtjev privrednog subjekta «AMKO KOMERC» d.o.o. Sarajevo, Kolodvorska 12, 71000 Sarajevo, Bosna i Hercegovina, zaprimljenog od strane Konkurencijskog vijeća dana 29.08.2011. godine pod brojem: 01-26-7-14-I/11 Konkurencijsko vijeće na 17. (sedamnaestoj) sjednici održanoj dana 29.09.2011. godine, daje

MIŠLJENJE

Privredni subjekt « AMKO KOMERC » d.o.o. Sarajevo, Kolodvorska 12, 71000 Sarajevo (u daljem tekstu: AMKO KOMERC ili Podnosilac zahtjeva), podnio je dana 29.08.2011. godine Zahtjev Konkurencijskom vijeću, zaprimljen pod brojem: 01-26-7-14-I/11, za davanje mišljenja o obavezi prijave namjere koncentracije u slučaju sklapanja ugovora o zakupu maloprodajnih objekata.

U zahtjevu je navedeno da privredni subjekt AMKO KOMERC namjerava ući u zakupni odnos s jednim zakupodavcem, uzevši pod zakup na duže vrijeme 10-15 njegovih maloprodajnih objekata. U zakupljenim objektima Podnosilac zahtjeva obavljao bi registrovanu djelatnost maloprodaje prehrambenih i neprehrambenih proizvoda.

Pretežne registrovane djelatnosti privrednog subjekta AMKO KOMERC su vanjska i unutrašnja trgovina, trgovina na veliko i malo i proizvodnja.

Podnosilac zahtjeva u istom navodi da je u 2010. godini ostvario ukupan godišnji prihod od ¹(..)**KM, te da nema tržišno učešće veće od 40% , kao ni potencijalni zakupodavac maloprodajnih objekata.

Privredni subjekt AMKO KOMERC posjeduje (..)**% vlasništva u osnovnom kapitalu privrednog subjekta Trgovačko društvo za promet roba na malo, veliko i vanjsku trgovinu MARKETI d.d. Sarajevo (dalje u tekstu: MARKETI). Pretežne registrovane djelatnosti privrednog subjekta MARKETI su vanjska i unutrašnja trgovina, trgovina na veliko i malo.

Članom 12. stav (1) i (2) Zakona, utvrđena je kategorija koncentracija, odnosno šta se sve smatra koncentracijom.

Članom 9. stav (1) tačka f) Odluke o načinu podnošenja prijave i kriterijima za ocjenu koncentracija privrednih subjekta („Službeni glasnik BiH“, broj 34/10) (u daljem tekstu: Odluka) definisan je pravni osnov koncentracija, gdje spada i ugovor/sporazum o zakupu imovine koji nekom od učesnika daje dominantan uticaj.

Članom 14. stav (1) tačka b) Zakona, utvrđeno je da su privredni subjekti namjeravanu koncentraciju, iz člana 12. stav (1) Zakona, obavezni prijaviti ukoliko ukupan godišnji prihod svakog od najmanje dva učesnika koncentracije ostvaren prodajom roba i/ili usluga na tržištu

¹(..)** podaci predstavljaju poslovnu tajnu

Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihovo zajedničko tržišno učešće na relevantnom tržištu veće od 40%.

Ukoliko su ispunjeni uslovi iz člana 14. stav (1) tačka b) Zakona, te ukoliko pravni osnov odgovara opisanom osnovu navedene Odluke, postoji obaveza podnošenja predmetne prijave namjere koncentracije.

Predsjednik

dr. Stjepo Pranjić